



VANUATU DIPATMEN BLONG KOREKSENAL SEVIS  
**SAVE GUD LOA**

# **SEKS mo LOA**

Pornography  
hem i wan  
**RABIS**  
**SAMTING**



*Sefti, digniti, rispek mo gud fasin blong evriwan*

# Pornography i no wan gudfala samting!

Pornography (o porno) hem i ol rabis foto, dvd, buk mo gem.



Sapos yu gat wan rabis foto, dvd, buk o gem we i stap wetem yu, yu brekem loa finis. Kot i save sendem yu i  
**GO LONG KALABUS LONG 2 YIA**

# Sapos yu stap insaed long ol porno foto o DVD, yu save kasem bigfala trabol! Bae yu no save se hu ia nao bae i luk ol rabis samting ia.

YU SAVE SPOLEM NEM BLONG YU MO NEM BLONG FAMLE BLONG YU...



YU PUTUM YUWAN LONG TRABOL...



YU SAVE KASEM OL RABIS SIK...



# Pornography wetem Loa

Sapos yu gat eni kaen pornography long han blong yu yu brekem loa.

Sapos yu mekem eni kaen pornography mo yu pasem, salem o senem i go olbaot, yu brekem loa.

Sapos yu mekem pornography wetem ol pikinini we oli gat 16 yia i go daon, yu brekem loa.

Hemia hem i tokbaot ol rabis buk, foto DVD mo ol gem we i stap wetem yu, mo ol rabis samting we i stap insaed long fon o kompiuta blong yu.

Hemia hem i tokbaot fasin blong tekem ol rabis foto, o mekem ol rabis DVD, mo pasem i go long ol narafala man o senem long fon o kompiuta blong yu.

Mo tu blong salem o rentem ol samting ia long ol narafala man.

Hemia hem i talem se oli no save yusum wan pikinini we hem i gat 16 yia ia go daon, blong mekem eni kaen pornography.

Mo tu, mama, papa, mo ol narafala famle oli no mas letem narafala man i mekem pornography wetem wan pikinini blong olgeta we hem i gat 16 yia i go daon.

Mo tu, ol bigfala man oli no mas lukim ol rabis buk, foto, DVD o gem blong pornography, taem we ol pikinini i stap wetem olgeta.

Bigfala panisman hem i  
**2 YIA LONG KALABUS**

Sapos wan man i mekem ol samting olsem, bigfala panisman hem i  
**5 YIA LONG KALABUS**

Sapos wan kampani i mekem ol samting olsem, oli save faen long wan bigfala mane we i save kasem  
**20,000,000 vatu**



Bigfala panisman blong yusum wan pikinini blong mekem pornography hem i  
**5 YIA LONG KALABUS**

Bigfala panisman blong yusum wan pikinini we hem i gat 14 yia i go doan, hem i  
**7 YIA LONG KALABUS**



Hem i bin promis long mi  
se bae hem i no soem ol foto blong  
mi long ol narafala man...

**SEFTI** Stap sef

**DIGNITI**

No spolem nem mo  
fiuja blong yu

**RISPEK**

Rispektek yuwan  
mo famle blong yu

**GUD FASIN**

Lukaotem gud  
yuwan, komuniti  
blong yu mo ol  
pikinini blong yu

**SAVE GUD  
LOA!**



## Sapos you wantem save mo:

**TORBA:** Polis 555 3046 • Probasen Sevis 555 2334

**SANMA:** Polis (Luganville) 36222 • Probasen Sevis 37998  
Counselling Centre 36157 / 36076 (Crisis Line)

**PENAMA:** Polis (Saratamata) 555 0031 • Probasen Sevis: 555 2239

**MALAMPA:** Polis (Malekula) 555 1126 • Probasen Sevis 555 2238

**SHEFA:** Polis (Port Vila) 22222 • Probasen Sevis 710 8341 • Public Solicitor's Office 23450  
Vanuatu Women's Centre 25764 • USP Community Legal Centre, Emalus Campus 27026

**TANNA:** Polis 710 8341 • Probasen Sevis 555 2240 • Counselling Centre 88660 / 710 1869

Tija / Pastor / Jif / Famle Lida



*Sefti, digniti, rispek, mo gud fasin blong evriwan*